

عاطف كمال فهمي

المواطن مصري

أشعار

الطبعة الأولى فبراير 2018

بطاقة الكتاب

عنوان المؤلف : المواطن مصرى
المؤلف : عاطف كمال فهمى
التصنيف : أشعار
رقم الإيداع : 5535 - 2018
عدد الصفحات : 100 صفحة
رقم الإصدار الداخلي: 152
تاريخ الإصدار الداخلي: منتصف فبراير 2018 (الطبعة الأولى)
الإشراف على جمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر 13م - عقار 304

إهداء

اهداء

الي من اغتربوا عن وطني ويبيكون فراقه الي من يعودوا
ويقبلوا ترابه

الي من زرعوا القوميه العربيه في اعماقيا

الي من خلقنا لنكون سويا فلم تفرقتنا الاقدار

الي من هم اغلي من القلب اخوتي الاعزاء واساتذتي
واستاذاتي الكرام اهديكم كلماتي

عاطف كمال فهمي

1- انا قلبي سايع الكل

قول يا قلم مجنون وانا راضي

هاعتبره فن جنون ودا عادي

وكاني اب حنون من الوادي

انا قلبي سايع الكل يا اولادي

,,,,,,,,,,

غاب عن حلاوه القلم نغم الكلام والاه

ساب الضني والمثل علم على دنياه

حذف الحدادي بان في القلب لم سماه

زاد المرار في القول معسول بلا افواه

انا قلبي سايع الكل لو القلم ما رضاه

,,,,,,,,,,

اسمع كلامك اصدقك بالنيه يا قلبي

منك بديع القول لو حتي في المي

خلي المشاعر نور محفوره في علمي

مجموع يزيد مجموع ينجحك ربي

وانا قلبي سايع الكل من ادبي

،،،،،،،،،،،،

يالني عشقتك يوم فين انت ف الشده

لو عشرتك هاتدوم بين الرجال شده

تسال في وقت الرخي وتسيبني ف الشده

انا شدتي هاتزول والقوله لها رده

وانا قلبي سايع الكل وحتى ف الشده

،،،،،،،،،،،،

قالي ابوي يا ولد قلبك من اوساعك

زمن المراكب جبر يابحر مين ساعك

ساعه طوفان الغضب قلبي الصغير ساعك

سعيده يا دنيتي لو فيكي من ساعك

قوليلي انتي ايه رايك
في راجل لم عشق بلده
ولم يعشق لنور الشمس
يخرج من عنين ولده
ويحلم بس ليه وحده
يكون فارس علي فرسه
فارس علي ايه مانيش عارف
لحلم الغير مهوش شايف
واقوله يا عم شوف بلدك
يقولي هه وايه بلدي
ومش عايزاني اتمرد
دانا اتمرد واتمرد
ومن خلقي انا اتجرد
واخلي الخلق تنظرنني

كما ولدتني انا امي
يقولي هو دا المجنون ولا يقولوا
دا مصري من هوي بلاده بيتجرد
وقولي انتي ايه رايك
في راجل لم عرف غيرها
وعايش بس طول العمر
ياكل وحده من خيرها
ويهرب وقت تحتاجه
وساب أرضه تنادي عليه وميردش
وكل كلام يعري لبلده ما يصدش
يقول مغلوب علي امري
دا حكم شديد ومنتشدد
وسيبك من غرام بلدك
كفايه عليك بتندد

ومش عايزاني اتمرد
دا انا اتمرد واتمرد
ومن خلفي انا اتجرد
واخلي الخلق تنظرني
كما ولدتني انا امي
يقولو هو ده المجنون ولا يقولو
دا مصري من هوي بلاده بيتجرد
وقولي انتي ايه رايك
في عربي طبعه من طبعي
وقال للدنيا انا عربي ودا طبعي
وقدم للعدو قربان
بعيد عن طبعنا وطبعي
يقول لكلام وفعله بعيد عن طبعي
وامد لحبل يجمعنا ومسكه زمان

وساب الوحده بعد المال وساب طبعي
ونفسه حتي في امري يشاركني
وانتي بس عارفاني قراري حر من طبعي
ومش عايزاني اتمرد
دانا اتمرد واتمرد
ومن خلقي انا اتجرد
واخلي الخلق تنظرني
كما ولدتني انا امي
يقولو هو دا المجنون ولا يقولو
دا مصري من هوي بلاده بيتجرد
وقولي انتي يا ارضي
لكل الخلق كيف ارضي
انا اتمردت علي وضعي ودا فرضي
ما باقي بس غير اني اشوف لعنيكي تكشيره

تخلي في عينين الناس تغييره
يحسو بطبعنا العربي
يقولو الوحده يا عربي
ما ينسو مين معاديننا
ومين فرق اراضينا وبادينا
ونتمرد عل روحنا ما ننسي يوم لجروحنا
ونتمرد ونتمرد
ولو قالو العرب ماله بيتمرد
تقول كل العرب راجع لحب بلاده ما اتجرد

3- دائما في القلب

كل عام وانتم بخير

لسه برضو قريبين
قولتو والإصرار ماليكم
مش هتنسو حق ليكم
يا بشر حسنت انين
يومها انا نزلت دموعي
لما زلزلني خشوعي
والقرار كان بالتنحي
بعد ما ضمتو جرحي
غبتو بعديها بيومين
للوطن قدمتمو روحكم
بعد ما قلبه جرحكم
روحتمو لم تبنو صروحكم
لسه باقيه روايكم
ورد بلدي بدمعتين

مش هخاف لما اقولها
مين يكمل ويا نيلها
ثوره طاهره مين عملها
غير شباب حست بغيرها
في البلاد مش طماعين
لو عرفتو ايه يناير
ولا ايه مصري وتائر
نفسه يحمل للبشاير
حلم مات كان لينا طاير
من كابوس عايش سنين
سلميه يا ثوره كنتي
مهما يفتي اي مفتي
طاهره روحهم وانتي شوفتي
لو يجيبو الناس في سيرتي

ليكم حسيت بالحنين
يا ورود فتح جنائني
مش ناسيكم انتو مني
مصر من غيركم تنادي
فين شباب زهره ولادي
بعدكم راح ييجي مين

اهداء لشهداء ثوره يناير في الذكرى السابعه
لروحكم الرحمه والمغفره

4- الجيل الخامس

الجيل الصهيوني الخامس
عايش يقتل كل ربيع

يقتل حلم ويهدم فكره
عايز كل شبابنا يضيع
خوفو البايين من وحدتنا
كشفت السر لكل رضيع
يصنع فتنه تهدم بيتنا
شئت افكاري بمواضيع
الجيل الصهيوني الخامس
عالم دارس كل مفاصلي
خايف اكشف سره لغيري
حتي مهكر كل تواصلي
خايف مش مني من اصلي
اصل الاصلي مش للبيع
زارع نفسه وحاشر نفسه
فاكر انه سد منيع

يكذب ويصدق ميه كديه
صدق أنه له حق وسيع
واحنا الجيل الخامس لينا
عايش ويقلد تقاليع
يحلف انه ما هايطبع
وهو غارق في التطبيع
ناسي اصوله من أجداده
اصل الفرع أن مال هايضيع
نعمل ثوره بيضا وحمرا
حطو مؤامره بطلها وضيع
لاكن جيشنا حامي رايتنا
حالف لمبدائه ما يبيع
واعي وحارس
كل الحلم العربي الفارس

مش ف مدارس لاكن دارس
حق بلادنا مش هايضيع
والجيل الصهيوني الخامس
زارع نفسه في كل مكان
فتت حاره وباب الحاره
جوه الوطن العربي مغاره
عامل للتخريب دا وزاره
شنع علي زمني تشنيع
سمي اسامي داعش تاني
وكام اعلامي غاوي يذيع
نفسه في حاله ننسي قواله
ننسي اصول عايشه ومنشاله
نمشي ورا مواضيع لهيانا
نبقي الحارس ليه علي ارضي

نترك جنده يعارض عرضي
وانا لسلام ما شايفش ف ارضي
ولا يوم هاسكت ع التطبيع
صاحي مصحصح عايش اصح
قارئ تاريخ فلاح متفصح
كل ما انسي هرمي هايفضح
زارع فكره تكون هدامه
هادم كل بيوت ومقامه
عامل قامه لكل عمامه
ساكن عشش كل منامه
خفاش اصبح شكله فظيع
لاكن لينا عيون ما تنام
فكرنا صاحي بميه اعلام
علم فينا تاريخنا علام

لو مش هانقر باقيه اثارنا
تحكي أن وطننا امام
ولو مش هاذيع أنا لازم اذيع

5- حلم الوطاويط

من ضلام العقل ساعي
كل ساعي للضلام
لم يشق ف قلبه نور

مكتوباله م الجدود
لويغيب عنها تنادي
تأمرو أنه يعود
تأمرو يحفظ بلادي
لو فيه فرقه
او فيه هوجه
مركبك في البحر عايمه
لسه فيها الف شق
بالف حكمه وستر ربي
سد بايدك كل شق
مركبك وسط العواصف
لاطمه فيها الف موجه
ويا مجدافي المكسر
مد ايدك نجي ناسك

لسه جوه البحر باقى
ويا منك الف ناسك
والطمع قرب ياكلنا
والحيتان باعتينها خوجه
بر بحرك لسه شوك
لسه ناس في الدنيا خارجه
لم بتفهم اي معني
غير معيشه ليها حرجه
بعد صبر وكان هاينفذ
قدمولك فرسه عوجه
خد لفرسك شوف طريقك
خلي ربك ليك رفيقك
جدد السرج بوريدك
شد للجامك بايدك

لو نقدم فرسه عرجه
انت تعدل كل عوجه
بلدي بلدك في الرياده
فايزه دايمًا بالسباق
حتى لو بحصان هايعرج
او عي تخرج من السباق
يشمتو فينا الاعادي
نبقي في الاخبار دي روجه
لسه باقي الصبر فينا بيناديك
كمل المشوار امانه جت عليك
انت ربان السفينه وبايديك
تحفظ الوحده وتاريخنا يحكي ليك
انت لينا نور عينينا ذي ما احنا نور عنيك
واللي ما يعرف لوطني يبقي عايش جوه هوجه

7- حقيقة ثورة

هي ثورة بألف معني

ليها اهداف قانونيه

كان صراخ هز الميدان

عيش كرامه انسانيه

واللي هايخونك جبان

يا بلادي يا بهيه
نادي احمد بالادان
وضائي جرجس بميه
جنب منه عم مينا
ادا دمه لصفيه
كنا كام مليون بنهتف
بالمطالب والقضيه
لم نكون ضد الوطن
ولا كنا ثورجيه
بس فاض بينا الزمن
قلنا نعرف فين بهيه
قالو اعداء للوطن
ناس تخرب بلطجيه
تصرخ الارض بشهيد

والصرخه كانت سلميه
هب جنبي جيش بلادي
قال دي ثوره وطنيه
والشباب ليها حقوقها
والحمايه عسكريه
بعد ما كان التنحي
والنفس حريه بردي
كل فرد في قلبه حب
قال نسلم حلم ورددي
وكل طامع ليه اجنده
حط فخ في حاله ترددي
صورو لنا الجنه نار
والوطن ليه ميه شعار
والمشوره والشوار

بعدها ع الخير نعدي
شوفنا غش بألف وش
والسياسيه مش فريش
شق صف و الف فخ
نازله شق و مش مهدي
قمنا تاني بمليونيه
ثوره ضد العنجهيه
شيلو عنا علم فيه اخضر
احنا مش حاكمنا مرشد
مصر ام بنورها ترشد
بالمناوله تلم تحشد
كل لحظه ايد عفيه
قالو راحت حجر عسكر
قلنا حجره حلو سكر

لم نبيعها بكيلو سكر
يا وطن مين يدفع اكثر
دم حامي مش حرامي
دم يفدي كل أخضر
راح نقول تسلم لايادي
يالي حبك ليها اكثر
يا اللي حارس للبنيه
شك تاني في المعاني
ويا بث في دولة تاني
ايه يكون فخك هيبني
غير شكوك شقت اماني
حلم عشنا فيه شويه
عري وطني بألف فخ
ساب في عقلي ١٠٠ الخ

بس مين في عقلي شاخ
اللي حافظه مش خفيه

8- شعوذة

افرد لساني كل ليل بالشعوذة

مع حروف متجهزه

تخاريف

احضر الجن والعفاريت

للسوال

بعد ما ضن البشر بالقول

واقف لسان النول
وبور في العقول
سطور فاضيه
لا حاكيه ولا قاضيه
كلام بالزيف والزاف والتزييف
صبح الكلام تخريف
فاضي له تجويف
عبيت سطوري نغم بحرفه التحريف
لاكن قريب من الاصول
يحسه ولاد الاصول
والباقي ملموس م القواله
غاب البنا والسقاله
نام المناول على المونه
صبح اليمين شوله

عدل يا غزلنا الكبير
هات من دفاتر الأئين
لغه للمصريين
تان مع الانات
تكتب على صدر البنات
مش للبيع
ترسم حلم وتقول
من غير مشاوره م الشباب
بالايدين
نقول سامعين من غير الحان
صابنا اللحن بالجنان
مش محسوسه ومحبوسه
كلمه الحنان
ببغانات تردد علي الشات والشاشات

فن غريب ذي التكعيب
لاكنه مش تكعيب
لاقيتني غريب
بدور على المكان بسؤال
احنا فين بعد الموالم
غير اشتات مع اشتوت
وحرف ملطوت وحرف مفلوت
وحرف كتبه الجن هد بيوت
جمعت كل الشعوزه
اسال العفاريت
مين فينا حويط
البشر اللي قرأ قران للجن
ولا لسانكم اتكلم
يا شله العفاريت

9- الحدق يعشق

اكني العاشق لهواكي
فوق سحرك واغني غناكي
ارسمك قمره وشمسايه
والعب وياكي بحطبايه
يا ملاعبه ولادك بالقوه
ويصيبني نبوتك واضحك

والف احميكي بعصايه
وتعاودي تاني تلاعيني
واصبر من حبي لروياكي
غالباتي ونبوتك علم
وكفايه انك شايلاي
واتحمل ولا يوم بتكلم
وابعتك كام بوسه وبوسه
علي خدك انتي يا محروسه
واستغرب على صبرك دايم
علي عقل ولاد الموكوسه
لم غنو غنوه في جمالك
وان طمعو نسيو احلامهم
بوجدهم على ارضك يا امه
عملو لهم امه غير حضنك

فاكرينها تدوم من غير لمة

واكمنك باريه وبريه

راضع من ضرعك ميه همه

ولا اسأل مين اللي فاضلك

ولاني لابس ميه عمه

عمني الكل وقالو عنك

راضيالي ابقى بميه زمه

واكمني فقير مين يسمعلي

غنوه بربابه علي شطك

مين يسمع ايه قرانك

ويرتل قولك مع صمتك

أنا بس اللي سمعت نداكي

الوحده الوحده وده خطك

خطك يرسمني في زنزانه

يرسمني في وسط المرجانه
يكتبني شهيد جوه كنيسه
او جامع وكتبلي مكانه
يكتبني ريس على كرسي
يكتبني شاعر بامانه
لاكنه عمري ما يكتبني
هدام ولا هادم لهوانا

10- مولود

وانا بتولد

بفتح ع الخضار والنور

خريطه حدها ببجور

وسور

محوط ع البشر والناس

تاريخ حافظينه ف الكراس

عليه طلسم لاكن مسحور

كتبها جد اجدادي

نشرها في صحراء وف وادي

كتب الغريب عنها ف تفسيره

لعنه فرعون

موجوده للي يمس احفادي

دورت على ضرعك يزقيني

لاقيت النيل بعلو الصوت

بينادي

اشرب وكيد الاعادي

وخضر كل شبر رمال

كثير الخير يا اولادي

واحس بعزه في نفسي و فؤادي

أنا فرعون ومش عادي

أنا مش من جمله المساطيل

أنا اللي رضعت الحب

وعرفت امجادي
ولو فرعون اآدي موسي
دا جه فرعون نصر يوسف
وجند بلادي مش عادي
وفي كفك أنا اتربيت
وفي نيئك أنا اتوضيت
علي ارضك كمان صلئت
ونور وشي دا من نورك
يا نور الماضي والبادي
عمار يا بلادي وانا شاهد
من يوم ميلادي
وقبل ميلاد اجدادي
وانتي نور للدنيا
بحبك يا كل اعيادي

11- حلم

بحلم بدنيا طيبه

من ناس زمان

فيها الاغاني والصبأ

وسط الغيطان

والحب عايش وسط ناس

مش م الغيلان

وحماره صاحيه ومش عارجه

والنخوه فينا مش فرجه

والضحكه من القلب الصافي

بالصوت وافي
ولمه لامه الناس كافه
مش للقوي والمتعافي
قاعدین بامان
وعید یعدی یفرحني
مش دموع راح تجرحني
ولا حرق عيدان
بحلم ما شفش الناس غابه
ولا فيها سرقة ولا ديايه
ولا ناس غلابه
بحلم بعالم سواسيه
لا فيها فقرا واغنيه
ولا ارض بور ومنسيه
ولا كلمه واقفه في حلقنا

محشوره ومخفيه

ولا ميه نشيد

من غير كلمه وطنيه

بحلم بحب كبير يلم

يجمع لكل ابناء يعم

ينده عمل للناس تهم

نبني بعرقنا هرم بعلم

نبني اسم ما بعده اسم

م وص وياره وهو ده

حلم قلبي وكل همي

بحلم بامي تبقي امي

ساعه النداء ترد

ساعه الوغي لعزمي تشد

تخليني ابني ولا اهد

تحوش البلا وعنه بيا تمد
تدفيني لجوعي تسد
تهدهدني وقت البكاء
وتقرا الورد
وبحلم بيكي يا قلبي
حبيبه عمري وسندي
يا ام الولد
تكوني عيني علي نفسي
حنونه عليا ما تقسي
تكوني لي بكره وامسي
وكل الحب ورومانسي
يا نور البيت وكف اليد
وبحلم لما اقول يا ابوي
تكون والدي واب بجد

تكون والدي واکون ابنک
وتعرف خوفاً علی بلدک
وماتکونش بديل للاب
او للجد
وبحلم نبقي ايد واحده
وعيله كلها وحده
تسد السد
وللمجهول تكون بالضد

12- أصله

لو كنت يوم مصري
ما تكون قليل الاصل
اصل المصاروه شرف
ولكل واحد اصل
وان سافرو يوم لبعيد
لسه في قلوبهم وصل
لم يخضعو لعميل
ولا ينسو عز النصر
نور الوطن في الوش
من غير خداع ولا غش

باين كما في العصر
ليه الجبان فنان
في الشر والعصيان
عامل لنفسه مكان
لاكنه خارج مصر
يحكي كتير في شاشات
ع انت ويا الشات
يجمع دموع الضني
ينشرها ويقول حصر
عايش يعري الوطن
يزرع ما بينه فتن
يمكن يهز الحطب
ولا يكون له قصر
سميته دا اعلام

يا شله الاغنام
لو تزرعو الغام
ما تهزو شعره في مصر
ايراني او تركي
امريكي على عبري
صهيوني اوداعشي
كيانات ومالهاش اصل
روح اندفن بدري
يا واخدها من بدري
جنسيتك عبري
وانت ما ليكش في مصر

13- عجبي

عجبي على عجبي
نبض العروبه وقف
محتاج لنقل الدم
مهمومه كل المدن
زايد عليها الهم
لو موطنك ضاحك
تلقاه بيضحك غم
شر البليه عجب
فرح خروف وغنم
يسمنو اكلهم
فاكرين حد كان مهتم

لو عازو يوم لحمهم
هايصفو منه الدم
عيني عليك يا عرب
نايم ولا تهتم
كل العدا في سهر
عدمو اللي ما يعدم
لاكن بايدك انت
ولامو عليك بالنم
قتلت ليه صحبتك
ويطالبوك بالدم
قال ايه قلوبهم حنونه
يا غشيم وكنك غشم
اقرا التاريخ واعقله
مش دول ولد العم

14 - (بلاده × الرياده)

ايه نقول لو ماشي عادي

هي دي ثوره بلادي

لو ما خدها من ولادي

حد طامع في الرياده

والحكايه مش مسلسل

كل ابطاله تسلسل

ولا فلم وفيه نمثل

كله معروض على الابداه

ثوره صح ويومها واجب

للي مش معجب وعاجب

كان يومها كل حاجب

مستخبي م الزياده

بس مين فكر وقال
بدله جواها تمثال
يسد خانه لو خيال
ينشر الفرقه ببلاده
كان لازمنا ثوره تاني
تجمع الدنيا ف ثواني
نلم روحنا زي ما احنا
لاجل ما نبقاش مزادا
فجرنا محتاج لشمسه
فكرنا محتاج نلامسه
كل يوم ليه فكر امسه
واحنا ناسيين العباده
بطن واحده والده ميه
والده كرستينا وصفيه

والده م السلوم لسينا
والعدد قابل زياده
كل ده والوحده باقيه
لو تحس مره انك طور ف ساقيه
او كانك من مراقيه
حس مره بالزياده وكل عاده
لو هتبقي ف الرياده لالف شاب
ولا لمدينه ومحافظه وفيها حب
غير ما تبقي وسط غابه
وسط ناس من المرار بقيو ديايه
مين يفكر يفضلو مع بعض دايم
ولا يقدر ينشر الحب بزياده
مين يشوف مين العدو ومين الحبيب
مين يحاجي ع الغريب وعلى القريب

لو تفكر تبقي قائد
تعرف الويل القياده
وتبقي دايمًا جوه منك
مش بلادہ بس عادہ
القليل من الكثير
والاخطر هو اهم من الخطير
ودي الرياده
ومش بلادة

15 - متغريش

متغريش كدا فيا

أنا راجل على كدي

وباكل عيشى من قدي

وعايش زي كل الناس

،،،،،،،،

ولا كنتش في عمري امير

ولا كنت لهوايا اسير

ولاكني بقلمي اطير

واملك من الفضا احساس

،،،،،،،،

ادور ع الاصول في تاريخ

وفي ارضي الجمال ما يشيخ

وقادر اطلع المريخ

ويكفيني القمر وناس

،،،،،،،،

أنا عربي ومن طبعي

احافظ للعرب طبعي

صعيدي مصر من طبعي

واعشق حب كل الناس

،،،،،،،،

تلاقيني جميل القلب من بلدي

وتعرفني مصايب روعي من جلدي

واصبر على المرار وحدي

ولو كان الزمن دساس

أنا عاشق لكل الخلق مش وحدك

ولا بعد وفراق دايم ولا في فروق
ولاكن الاله والخلق ليها حقوق
وحق عليا الي أن تختفي الانفاس

16- عيد بالالوان

نفسه ونفسك قلبك ينبض
يحب خير ويزرع ارض
عم السيد نفسه يعيد
واللي في نفسه ليه ما حصلش

ردا على منشور استاذنا
الشاعر ابراهيم القاضي
عم السيد

17- فيس بوك يا اماي

عملونا فيس بوك يا اماي

شفت العجب ع الورق
كتب القلم والناي
سوق المرؤه جبر
وقتلي كام جيل جاي
راح فين كلام الهوي
ليه بدلوه باي باي
فين عشق بلد الضني
وايه النغم في الهاي
رجاله ليه تتسرق
من نفسها في الراي
يخالفو ليه مبدائك
وينسو ليه الضي
نور الامهات في الضني
خايف ينطفي يا اماي

يا ام البلاد نخوتك
غلبت رجال الحي
قفلت انا ع انت
وصلوها ع الواي فاي
شباب بلاد العرب
سهرانه تحكي الجو
لا حاسه حال غربتي
ولا يوم طلعي ضو

سكن الزحام المدن
قل الادب في التو
طلع الكلام ع المباشر
من حد شكله فتو
مال الادب والخلق

بلدنا مالهاش زي
ملا الكتاب بالوباء
ساب العبيط ع الري
وانا زرعي لو يوم غرق
هاشكي لمين يا امي
ولدي اللي جايلك امانه
في ليل ما شفتلو ضي
يا ذاكرين الله
ادعو بصلاح الجاي
واتعلمو من سنه
وغنوها لو ع الناي

18- دمه عيد

علمونا
في مطلع العام المجيد
كل بسمه عيد تكون
بقانون جديد
يكون معاها بحر دم
وكام شهيد
يكون صراخ الام
اعلي من الاذان
اعلي من دق الجرس
وكل ظيظه وقت عيد
علمونا نحتفل بضحكه صفرا
للولاد وقت العيديه مع العديد
علمونا في روحنا غش
تبقي ضحكه بألف وش

يبقي حزن كبير وميتم
ويا عيد مرسوم برتش
علمونا نخاف نعيد
لكل فرحه عيد نقيد
بس فين اللي يقيد
طفل باسم وقت عيد
ماسك العيديه بحتفل
وفي قلبه طير
عاوز يطير ابدأ ما خافش
علمونا ولسه ياما يعلمونا
لاكن علامنا نحتفل
لكل فرحه ننتصر
نعيش بحب ونحتفل
حتي بشهيد

اهداء لشهداء كنيسة مارمينا

19- يا حلوة الحلوين

طالع القمر وحدي

ابص ع الدنيا

اشوف نورك
وصل على فين
يا حلوه الحلوين
يا ضي الشمس
متعبي في كف جنين
يا حاسه بكل اهاتي
وكاتمه انين
يا فارده رغم عن حزنك
قلوع وحنين
أنا سامع ندا ارضك
بحبك انت والملايين
بحبك بس شوف حبي
هايخدك فين
يا صابر على الوداد يا ابني

يا ضي العين
أنا بصرخ بعلو الصوت
وعندي ميه لسان مفلوت
بحبك لو في حبك موت
يا نيلى ومركبي وهرمي
يا ذكري من زمن المي
يا كل مساكن الصالحين
يقولو اللي يقولوه ماشي
وتتعب دي الولاد ماشي

مدام فيكي الفقير ماشي
ونيلك ع الخضار ماشي
أنا راع وقولت آمين
تلاقيني في نور وشك

رسمت الروح على وشمك
وقفت على سفوح هرمك
مسكت القمره في ايدي
ولا اقدر اخون عشمك
يا مالكه القمره بين هرمين
دا يرقص على النغم نيلك
ونجمك فوق مع ليلك
شهيدك قاد قناديلك
وصامت كله وقت ادان
نلبي للالاه ساجدين
يا نور العالم الخالد
يا بطن وللرجال والد
أنا في حبك الخالد
كعابد او من الناسكين

20- حب إلهي

بحبك وحبك

هو مطلبي

يا عشق البنيه

وحلم الصبي
أنا بس بهرب
ولم تهربي
يا عشقي الالاهي
ودا مين اهتدي
بحبك يا غاليه
يا كايده العدا
هويتك وبعذك
ماليش في المدي
يا عارفه شعوري
تحني تثوري
ومن يوم عبوري
بلمي النداء
يا صابر عليا

وصابر عليكي

بحب اللي حبك

يغازل عنيكى

وبفرح بقربه

يحوط عليكي

يا مالكة منايه

تحبى هوايه

وبيه انتى حاسه ومتاكده

كتير حب قلبك

وضحى بحياته

وضحى براحته

وفضل رضاكى

وانا ويا لحنى
ولو ضهرى محنى
احبك تحبى وانول الرضاء
يا شعر اللى شاعر
وقلم اللى كاتب
سلاحك بشاير
على الارض كاتب
ولادى اكابر
وليدي وشايب
ومن جانا عايب ما يعرف هدا
تباهى بولادك
وجيشك مدن
ووحده عبادك
حكاوى السفن

تكشر نياك
يتوه البدن
وتضحك ربوعك يرن الصدا
أنا ايه في حبك
يا بحر الهوي
يقول مين دا عشقك
و حبك دواء
أنا اللي في حبك
صريع الهوي
وملايين بتعشق
تقول عشقي اكبر
وينطق دا قلبك هويتكم كده
عشقتك وعشقاك
هو مطلبي

يا عشق البنيه
وحلم الصبي
أنا بس بهرب
ولم تهربي
يا عشقي الالاهي ودا مين اهتدي

21- شاعر بالألوان

كتب القلم كلمه
ندهت على الموجه
بلاش يا بحر الشعراء
تمشي مع الهوجه

خلي الحروف توبك
مغزول علي نولك
من غير رتوش ولا زيف
ولا تركب العوجه
فين ابتسامه البلد
ضحك البنات والولد
ذكر الالاه والسند
وكفاحنا ويا العرق
باللقمه ممزوجة
جن الجنون في القلم
لما راي في الالم
ناس عايشه تعزف نغم
وناس تركب الموجه
كام حرف من دمعتي

بين الكلام وخلص
يبينو حزني ويحكو ع الاخلاص
لاكن ما بينهم رتوش متلونه نوجه
متزوقه مساحيق زور
تخلي لون الخضار بور
تقصف عمر التاريخ ف شهور
تغير المفهوم بحروف معوجه
تلمع كراسي البشر
تطرح فشل في الفشل
يفضل الكلام محشور
في كل زور بالحق والمثل
ينطق عسل في المر بالخوجه
لاكن برغم الغويط لسه
تراتيل الحروف للودان هامسه

تغسل رتوش الزيف والخسه
تنفض غبار اللون وتبين الوكسه
تصلح نفوس الكون وتنصف الزوجه
تكسر كراسي الزيف
تكتب بدون تخاريف
الشعر من غير غزل تحريف
تكتيف الحروف تصييف
تخلي الحروف بالحروف ممزوجة
يرجع زمن المرجله
بدون حنجله بالصوت والجلجله
يصرخ ينادي في المحافل والخلا
معني الحروف المعضله
أنا لست شاعر ولاكن قلم مرجله
اكتب معاني الوطن ولا اركب الهوجه

22- طيارة خيط

مليت والله مليت

طياره طارت من خيط

وقعت جوه صحن البيت

مكتوبه عليها يا عروبه

مليت والله مليت

دقت على بابي اموره
تطلب طياره صغيوره
قلت لها وايه المكتوب
قالت يا عمو مليت
يا عروبه والله مليت
قلت لها ايه يملك
يا صغيره احكي سنك
عندك ابوكي وامك
واخواتك عندك في البيت
قالتلي هما مللو
وانا وياهم مليت
أنا طفله فلسطينيه
كنا بمخيم لبنان
وسافرنا على سوريا

شفنا دمار هناك كثير
تركناه وانا توي جيت
لاكن بالعربي مليت
وكتبت رساله لربي
علي طيارتي اللي ما تخبئ
الله وحده اللي دربي
طارت مني لفوق لفوق
لاكن مني انقطع الخيط
صامت يا قلبي ع الدق
رقيت بكفياك الرق
اسأل ع الارض وع الحق
يا عروبه ايه فيكي انشق
يا بنتي أنا مليت
وبكره اطول ليكي الخيط

23 - ردا على قرار ترامب المتعلق بالقدس

(يا جبل ما يهزك ريح)

يا وطن ما يهزك قول. يا جبل ما يهزك ريح
لسه موجوده الشجعان. من زائير الاسد تصيح
شبابك شالو الاكفان بترابك حافرين ضريح

قلب اقصانا انسان داوينا عنده المجاريح
يا وطن ما يهزك قول. يا جبل ما يهزك ريح

احنا يا قدس الاقداس. نفديك بالعمر وبيهون
نفني احنا وما تفني ما نكون احنا وانت تكون
يا عرب ضنت بالاه حب اقصانا مكنون
لا تهابو من ابكاه قول كان ولا تصريح
يا وطن ما يهزك قول. يا جبل ما يهزك ريح

يبكي اقصانا الاجيال ما يبكي من فعل خسيس
يبكي من ذل الخذلان قلبه تملاه الاحاسيس
هو عالم ليه الله ما في غير الله ونيس

قولنا نفيديك يا اقصي بالقول العني الصريح
يا وطن ما يهزك قول. يا جبل ما يهزك ريح

يا شعب صامد على الويل. محفوره حروفك بالنور
لا يهمة اسر بليل لعدوك محفوره قبور
بالحجر صامد تلقاه. ما يهاب سلاح الزور
كل مولود فيك شهيد. واخذ للجنه تصريح
يا وطن ما يهزك قول. يا جبل ما يهزك ريح

يا جبل ما يهزك ريح
اهداء الي الشهيد ياسر عرفات
وكل شهداء فلسطين الصامده

24- توبة يا شعر

مش كاتب شعر تاني

أنا اعلنت استقالتي

علشان شعري اللي شايب

والعبره ااهه في مرايتي

““““

وبايخلي هاموت وبحلم

اني اصلح في كوني
وهاخلي البنت تحلم
والواد يزرع في غيطه
والست تشوف ولادها
والراجل يرعي بيته

““““

واعمل حمله تمرد
علي الوضع الحالي فينا
ونبطل في الكسل
ونشوف ايه معترينا
ولا سمعو ايه بقولو
ولافهمو ايه في سينا

““““

والكلمه اللي بقولها

دايما ببقي غازلها
واحننها واشيلها
علشان تعجب قاريها

والعبره فى معانيه
توصل عقل البلاط
أنا ايه يغلبني تاني
ولا ادور ع المعاني
ولا اكتب فين مكاني
وابعد ع الشعر خالص
لاحسن اخلع سناني
من غلبي في العبايط
،،،،

مش عايز ورد عندي

ولا اعجابك يفيدني
أنا عايزك تقرا فني
وتعاندي في حروفي
وتقول ايه المعاني
اللي كاتبها بحروفي
وكفايه مجامله يا ابا
مش عازف ع الربايه
ولا شاتم ف الديابه
ولا سائل ع الغلابه
ولا هاهتم بعوام

“““““

هافتح ورشه نجاره
مالها نجاره العماره
ولا اعمل موبيليا

واقعد ارد السلام

،،،،

مدام الشعر ورطه

وكان كتابته غلظه

كان الناس في مالطه

وانا صوتي مالوش بيان

،،،،،

ارجو قبول استقالتي

علشان اكتب حكايتي

وارضي زوجتي ومرائتي

واتهدم ع الدوام

،،،،،

اصل الهم ملازمني

طول ما الشعر ملازمني

شایل حمل وهاسیبه
والله بعدین یعینی
بس الفن یفارقنی
علشان اعیش تمام

25- عربی علی حق

اکل من زرعی اه
من زرع غیري لا
وابوس حبیبی اه
وغیر حبیبی لا
وبحب بلدی اه
وعربی أنا علی حق
واقول اعشق ترابک یا وطن

واعشق صمودك في المحن
وقت المحن تسمعي صرخه م البدن
ولكل خاين يوم يعرف بكلمه لا
عدينا ايام مغبره
نفس الساعات متكرره
يا دنيا مين سكن التراب
ومين وراه راح اندفن في مقبره
لساه وليد وطني الشهيد
جدد هدوم متعفره
شادد سلاح م الارض لاح
حالف بحي علي الفلاح
تبقي البلاد متنوره
تاكل بايدها زرع ايدها
وتحب الارض اللي عانتها

وتسبب في عقل معاندها
عمل العقول متشفره
حب الوطن زرع الجدود
وكل عود فيك يا وطن
سمع الجدود حفظ العهود
خلق الجهود تاكل في زرع الكبيره
واسال سؤال لابن العلام
زرعت كام زرعه لقدام
ولا زرعك جاي ورا
زرع الرجال حب الوطن
حب الجمال ذره رمال
علي ارضنا متنوره

محتوى الكتاب

الصفحة	المحتوى	م
2	بطاقة الكتاب	#
3	اهداء	#
4	أنا قلبي سابع الكل	1
7	متمرد	2
12	دايما فى القلب	3
15	الجيل الخامس	4

20	حلم الوطاويط	5
23	المواطن مصرى	6
29	حقيقة ثورة	7
32	شعوذة	8
36	الحدق يفهم	9
40	مولود	10
43	حلم	11
48	أصالة	12
51	عجبنى	13
53	بلادة X الريادة	14
57	منتغريش	15
61	عيد بالألوان	16

65	فيس بوك ياماى	17
68	دمعة عين	18
71	يا حلوة الحلوين	19
75	حب إلهى	20
80	شاعر بالألوان	21
84	طيارة خيط	22
87	يا جبل ما يهزك ريح	23
90	توبة يا شعر	24
95	عربى على حق	25
98	محتوى الكتاب	#